

Kerajaan guna dron pantau pembalakan haram

KOSMO-14



KUALA LUMPUR - Kementerian Sumber Asli dan Alam Sekitar bersedia untuk menggunakan teknologi canggih dalam usaha menangani pembalakan haram yang berlaku di negara ini.

Timbalan Menteri, Datuk Hamim Samuri berkata, kementeriannya telah menggunakan perala-

AKTIVITI pembalakan haram akan dipantau di negara ini dengan menggunakan teknologi canggih.
- Gambar hiasan

tan seperti dron, cerapan satelit dan *remote sensing* (penderiaan jauh).

"Selain itu, aplikasi terkini yang diguna pakai ialah *Forest Monitoring Using Remote Sensing* (Memantau Hutan Menggunakan Penderiaan Jauh)," katanya pada sidang Dewan Negara di sini semalam.

Beliau berkata demikian bagi menjawab soalan tambahan Senator S. Bagiam Ayem Perumal yang ingin mengetahui adakah kerajaan bersedia menggunakan Sistem Penentu

Kedudukan Global dan radar seperti dipraktikkan di hutan Amazon dalam membanteras serta memelihara alam sekitar.

Terdahulu, Bagiam ingin mengetahui jumlah kerugian akibat pembalakan haram di negara ini.

Menurut Hamim, sebanyak 256 kes pembalakan haram telah direkodkan di Semenanjung Malaysia dengan tangkapan seramai 229 orang melibatkan kerugian hasil hutan sebanyak RM15.2 juta sejak 2006 sehingga 2016.